

Hmong - Ntawv Nkauj - Praying WP Psalms

Ntawv Nkauj 68:1 Vaajtsvv sawv tseeg ua kuas nwg cov yeeb ncuab tawm tswv ua saab ua sua. Cov kws ntxub Vaajtsvv tswv ntawm nwg lub xub ndag moog.

Ntawv Nkauj 5:9,10 Kuv tso sab tsw tau tsua kuv cov yeeb ncuab, vem tas puab tsw has lug tseeb, puab lub sab tsuas yog xaav qhov kws ua phem ua tsw zoo xwb. Puab ncauj lug zoo, kuas lub sab tsw zoo, puab tug nplaig daag ntxag. 10 Vaajtsvv thov koj teem txem tsua puab, thov ua kuas puab raug puab tej swv npug, hab thov kuas tej tswvyim phem kws puab yuav ua tsua lwm tug rov raug puab. Vaajtsvv thov koj muab puab lawv tawm ntawm koj tswv moog, vem puab suavdawg tau faav xeeb tsua koj, hab ua txhum ntau kawg le.

Ntawv Nkauj 8:2 Cov mivnyuas yau hab mivnyuas mog kuj qhuas koj. Koj tsw ntshai koj cov yeeb ncuab, yog leejtwg ua phem tsua koj los koj kuj taav tau puab kev.

Ntawv Nkauj 11:6 - Chiv Keeb 19:24 Thaus hov Yawmsaub tso suav tawg lawj faaj poob sau ntuj lug tsua huv lub moos Xautoo hab lub moos Kaumaula.

Ntawv Nkauj 18:14 - Xakhaliya 9:14,15 Mas Yawmsaub kws muaj fwjchim iuj kawg nkaus yuav tshwm tsua sau nwg cov tuabneeg hab Yawmsaub yuav tua nwg raab xub yaa yaam le tsag lig xub. Yawmsaub kws kaav ib puas tsaav yaam taag nrho yuav tshuv raaj kub twg es nrug cov cua daaj cua dub nraag qaab ntug moog. 15 Yawmsaub kws muaj fwjchim iuj kawg nkaus yuav tsom kwm nwg cov tuabneeg ca, mas puab suavdawg yuav ua kuas puab tej yeeb ncuab puam tsuaj hab ua tsua tej yeeb ncuab le ntshaav ndwg tsua huv tshaav rog, mas puab yuav qw ua tsuj ua tsaug yaam le tuabneeg qaug cawv. Yeeb ncuab le ntshaav yuav ndwg yaam nkaus le muab cov ntshaav tsaj huv lub phaaj kws xyeem laub quas lawg tsua sau lub thaaj.

Ntawv Nkauj 18:39 - 2 Xamuyee 22:40 Yawmsaub koj txhawb kuv tug zug kuv txha muaj zug ua rog, hab koj paab kuv kov yeej yeeb ncuab.

Ntawv Nkauj 23:5 Yawmsaub koj tub paam mov paam zaub tsua kuv noj taab meeg kuv cov yeeb ncuab. Koj tog txais kuv yaam nkaus le txais tug qhua kws koj saib hlub. Koj laub puv nkaus kuv lub khob phwj yog.

Ntawv Nkauj 25:2 Kuv tug Vaajtsvv kuv tso sab quas lug tsua koj. Thov koj paab kuas kuv tsw xob swb luas es poob ntsej muag, thov tsw xob ca yeeb ncuab tau nyos kuv.

Ntawv Nkauj 25:19 Thov koj swm tsaa muag saib kuv tej yeeb ncuab saib coob npaum le caag dag, hab saib puab ntxub kuv heev npaum le caag.

Ntawv Nkauj 27:11 Yawmsaub, thov koj cob qha kuas kuv paub ua tej kws koj xaav kuas kuv ua, hab thov koj coj kuv taug txujkev kws tso sab tau tsw muaj le caag, tsua qhov kuv muaj yeeb ncuab coob heev.

Ntawv Nkauj 31:15 Koj naj nub tsom kwm kuv tsw tu le. Thov koj paab kuas

kuv dim kuv tej yeeb ncuab, hab dim tej tuabneeg kws tswm txom kuv.

Ntawv Nkauj 34:21 Tej kev phem yuav ua tsua cov tuabneeg phem tuag moog, txhua leej kws ntxub cov tuabneeg ncaaj nceeg yuav raug txem.

Ntawv Nkauj 40:13,14 Au Yawmsaub thov koj paab kuv nwgnuav. Thov koj cawm kuv dim. 14 Thov kuas cov kws yuav txuv kuv txujsa ca le swb ntshai hlo le hab tau kev ntxhuv sab. Thov kuas cov kws zoo sab tsua qhov kuv raug kev txom nyem hov tig rov qaab hab raug txaaj muag.

Ntawv Nkauj 41:2 Yawmsaub tsom kwm nwg txujsa ca, nwg yuav tau nyob xyiv faab tsua huv lub tebchaws. Yawmsaub tsw muab nwg tso tsua huv nwg cov yeeb ncuab txhais teg.

Ntawv Nkauj 43:1 Vaajtsvv, thov koj qha kuv lub sab dawb tsua suavdawg paub, hab tuaj kuv tog tawm tsaam cov tuabneeg kws tsw paub koj tej lug kom kuv. Thov koj paab kuas kuv dim cov tuabneeg phem tej kev daag ntxag.

Ntawv Nkauj 57:6 Kuv cov yeeb ncuab cuab hlua tog soo kuv, kuv ntxhuv sab kawg nkaus. Puab khawb qhov cuab kuv txuj hauv kev, kuas puab tub poob tsua huv lub qhov hov ntaag.

Ntawv Nkauj 60:12 - Yauxua 1:9 Koj yuav tsum ncu ntsoov tej lug kws kuv tub has tsua koj tas, koj ca le ua sab tuab tsw xob ntshai, tsw xob txhawj tsw xob poob sab, tsua qhov kuv yog koj tug Vaajtsvv Yawmsaub, kuv yuav nrug nraim koj nyob txhua qhov kws koj moog.

Ntawv Nkauj 71:12,13 Vaajtsvv, thov koj tsw xob nyob nrug deb kuv. Kuv tug Vaajtsvv, thov koj kawgkag maaj ceev nrooj lug paab kuv. 13 Thov kuas tej tuabneeg kws tawm tsaam kuv raug kev puam tsuaj hab swb moog. Thov kuas tej tuabneeg kws pheej soj nraim ua phem tsua kuv raug kev txaaj muag hab poob ntsej muag.

Ntawv Nkauj 112:8 Nwg tsw txhawj tsw ntshai ib yaam daabtsw le, nwg yuav pum nwg cov yeeb ncuab swb hlo.

Ntawv Nkauj 118:10,12 - Malakau 16:17 Cov kws ntseeg, puab yuav muaj fwjchim ua tej txujci tseem ceeb. Thaus puab tuav kuv lub npe ntab daab, daab yuav tawm, puab yuav txawj has tej lug txawv txawv,

Ntawv Nkauj 149:8,9 - Mathai 16:19 Kuv yuav muab tug yum swj kws qheb rooj ntug tsua koj tuav. Yaam kws koj txwv huv nplajteb nuav, Vaajtsvv yuav txwv yaam ntawm sau ntuj ceeb tsheej. Yaam kws koj kheev ua huv nplajteb nuav, Vaajtsvv yuav kheev ua yaam ntawm sau ntuj ceeb tsheej. Mathai 18:18 Kuv qha tseeb tsua mej has tas, yaam kws mej txwv huv nplajteb nuav, Vaajtsvv yuav txwv yaam ntawm sau ntuj ceeb tsheej. Yaam kws mej kheev ua huv nplajteb nuav Vaajtsvv yuav kheev ua yaam ntawm sau ntuj ceeb tsheej.